

Հ Ա Մ Ա Յ Ն Ա Կ Ա Ն Կ Յ Ա Ն Ք

Հ Ա Մ Ա Յ Ն Ք

Եթե կարիք լիներ հակիրճ կերպով բնորոշել հասարակական զարգացման այն փուլը, որի վրա գտնվում էր Անդրկովկասի հայ բնակչությունը ուսական տիրապետության հաստատման միջոցին, այդ ժամանակվա հասարակարգը կարելի էր անվանել գերդաստանային, այսինքն այնպիսին, որտեղ հասարակության հիմնական բաղադրիչը կազմում էր գերազանցորեն մի քանի ամուսնական զույգերից և նրանց երկու-երեք սերունդներից բաղկացած բազմանդամ ընտանեկան ու տնտեսական միությունը՝ գերդաստանը: Նույնիսկ այնպիսի մեծ կենտրոնում, ինչպիսին էր այն ժամանակվա Տփղիսը, որտեղ վրացական պետական կազմակերպության մեջ դասակարգային շերտավորումը համեմատաբար ավելի խորացած էր և բարդված, քան թե Անդրկովկասի այլ վայրերում, հայկական բնակչության մեջ գերիշխում էր գերդաստանային կազմակերպությունը ոչ միայն աշխատավորների և մանր առևտրականների խավի, այլև խոշոր վաճառականների՝ մոֆալաֆէ-ների՝ առաջնակարգ ֆաղֆրցի-ների ու իշխանական տների մեջ: Հին Տփղիսում Զիթախենք, Ումիկենք, Գուլուկենք, Խատիսենք, Շերմազանենք կազմում էին մի-մի դեռ անբաժան և տնտեսապես ներքուստ սերտ շաղկապված գերդաստաններ: Բեհբուֆենց իշխանական տունն իր յոթնասուն անդամներով միատեղ, միևնույն դարաստում էին ճաշում: Միայն հիվանդներն ու ծերունիները ստանում էին իրենց բաժինն առանձին: Նույնպես և Զանգեզուրի հայության մեջ XIX դ. սկզբում, երբ Ղարաբաղի Իբրահիմ խանը ճանաչեց ուսական կայսեր հովանավորությունը և իր երկիրը ուսական պետության հետ միացավ, բազմանդամ գերդաստան էր կազմում բացառապես միայն գյուղերում գետեղված համայնքների ստորագույն բաղադրիչը՝ ծուխը: Մերունիներից հավաքած տեղեկությունները հիմք են տալիս պնդելու, որ ոչ միայն հնուց բնիկ տեղացի բնակչության մեջ, այլև ուսական տիրապետության առաջին տասնամյակներում գավառում վերահաստատված դրսից եկած գյուղական համայնքներում ծուխը միացնում էր մի քանի ամուսնական զույգեր իրենց երկու-երեք սերունդներով միատեղ մի հարկի տակ, մի տան մեջ ապրողներին: Միայն վաղուց անցած էր այն ժամանակը, երբ ամբողջ գյուղը մի տուն էր և գյուղապետն իրոք տանուալ էր: Զանգեզուրում տանուալ էր կոչումը վաղուց մոռացված էր և փոփոխված էր ֆոխվայի կամ մէլիֆի¹: Ճշմարիտ է՝ հին գյուղերում թաղերը հաճախակի

¹ Շիկահող գյուղ: